

P.R. di Servicio Di Impuesto a splica Entrega laat di declaracion di impuesto por costa un multa minimo di 250 Florin



ORANJESTAD (AAN) — E relacionista publico di Servicio di Impuesto y Douane, señora Meverly Romano-Kelly, a tene un conferencia ayera atardi, den cual tabata tin tres punto principal di agenda: na prome lugar el a elabora riba e fecha di entrega di e formulario y e posibilidad pa pidi prorroga y evita paga un multa; el a sigui cu informacion tocante e campaña cu Servicio di Impuesto ta preparando pa yuda e pensionadonan yena nan formulario di declaracion, y na di tres lugar, e situacion di pagamento cu cheque sin fondo cu nan ta confrontando cune di manera creciente, y kico ta e medida cu a ser tuma.

CON PA EVITA PAGA
MULTA:

BEST DEAL
Tel: 5827100
(Pariba di Aruba Bank, Paradera)

BEST SHOPPING DEAL
Turibana Plaza
Tel: 5865455

T.V.
14"
Afl. 185,=

Señora Romano-Kelly a reitera cu Servicio di Impuesto a otorga e formulario di declaracion di impuesto na Juli ultimo, y durante e luna ey Servicio di Post a yuda parti e paketenan. Un total di mas of menos 28 mil formulario a worde distribui den tur e clientenan cu ta registra pa "inkomstenbelasting".

E fecha oficial e aña aki, pa entrega e formularionan na e cliente ta 1 di Augustus, y e fecha oficial pa e cliente entregue back ta aki dos luna, esta dia 2 di October proximo.

Esaki ta nifica cu e cliente tin dos luna pa yena y entrega e formulario y den caso cu nan no ta logra pa e fecha cu nos a caba di menciona, ta posible pa nan haci un peticion pa prolongacion di e termino, pa locual nan ta yena un formulario y nan ta haya dos luna mas.

Señora Romano-Kelly a subraya cu ta hopi importante pa e pagador di impuesto tene cuenta cune, pasobra si e formulario drenta laat e chens ta grandi cu e cliente ta haya un boet na momento di ricibi su cobranza. E multa ta 5% di e impuesto cu e persona tin cu paga for di un minimo di 250 Florin y un maximo di 10 mil Florin.

El a reitera cu mester tene bon cuenta cu e termino aki,

pa motibo cu si e impuesto cu e persona tin cu paga ta 100 Florin (por ehemplo), tog e ta haye cu un minimo di 250 Florin, loke kiermen cu e mester bay paga 350 Florin, loke ta un gasto innecesario y ta aconsehabla pa cumpli cu e termino di dos luna, of haci peticion pa extension di dos luna mas si e persona no ta logra entrega su declaracion pa dia 2 di October proximo.

CONTESTA TUR PREGUNTA:

Señora Romano-Kelly a agrega cu ta hopi importante pa contesta tur pregunta cu tin den e formulario, pasobra esun di 2005 ta bay worde procesa den e sistema automatiza nobo cu nan ta introduci proximamente, y esaki ta exige cu tur pregunta mester ta contesta.

Asina e cliente ta evita di haya su mes cu preguntanan pa contesta di parti di Servicio di Impuesto, locual lo tarda su proceso pa loke ta trata inkomstenbelasting.

Denuncia entrega contra corant di MEP

ORANJESTAD (AAN): Segun informe cu a base di lanta calumnia y difamacion di e candidato di AVP señora Clarisca Velasquez relaciona cu e lo maneha su autonon cu mesun number, e caso a cuminsa haya atencion di Ministerio Publico.

Manera ta conoci, cu denuncia a worde entrega na Husticia di difamacion contra di e corant di MEP na Santa Cruz.

Debi na esey, e doño of e representante di e medio a

bay duna cuenta na autoridad relaciona cu e denuncia entrega. Interogacion a tuma lugar y e verbaal a worde traha y lo keda entrega na Fiscal pa finalmente presenta esaki den corte di husticia. Huez lo evalua e caso, si acaso e conclui cu aki ta trata di hecho castigable a worde comete, lo e doño of e representa di e medio lo tin di rectifica encuanto nan difamacion contra di señora Clarisca Velasquez.

STOMA PROME, LADRON DESPUES !!

